

SCRIPT OF EVENING GOJRI NEWS BULLETIN 2 APRIL 2025

1700HRS

اوننگ گوجری نیوز بولٹین 2 اپریل 2025

یوہ آکاشوانی جموں بے محمد اکرم تے نصرت تیں خبر سُنو۔

HEADLINES

- ۱۔ وقف ترمیمی بل ۲ ہزار ۵۲ نانہہ غور تے منظوری واسطے لوک سبھا مانہہ پیش کردتو گیو بے۔
- ۲۔ لیفٹیننٹ گورنر منوج سنہا نے نوجواناں ور زور پایو جے وے قوم گی تعمیر تے لوکاں گی زندگیاں نانہہ بہتر بنان واسطے اپنا ہنر غو استعمال کریں۔ تے اس ور بحث اجیں جاری بے۔
- ۳۔ وانٹ نائیٹ کور گا جی او سی نے راجوری سیکٹر گو دورو لاگے اُت موجودہ حفاظتی صورتحال گو جائیزو لیو تے راجوری مانہہ سلامتی دستاں نے تلاشی کاروائی بدھا دتی بے۔
- ۴۔ جموں کشمیر تے لداخ ہائی کورٹ غا چیف جسٹس ٹیشی رابستان نے علاقہ مانہہ بدھتا وا منشیات غی بدت تیں نمژن واسطے مشترکہ تے مربوط حکمت عملی اپنان ور زور دتو۔
- ۵۔ ریاسی ضلع اسپتال فروری ۲۰۲۵ غی قومی صحت درجہ بندی مانہہ یوہ جموں صوبہ مانہہ پہلا نمبر ور تے مرکزی زیر انتظام علاقہ مانہہ چوتھا نمبر ور رہیو۔

WAQF BILL

مرکزی اقلیتی امور بارے وزیر کرین رچی جو نے اج وقف ترمیمی بل ۲ ہزار ۵۲ نانہہ گور تے منظوری واسطے لوک سبھا مانہہ پیش کیو بے چونکہ اس بل نانہہ سانجی پارلیمانی کمیٹی نے تجویز کیو بے ری جی جو نے مسابرتی عمل نانہہ بھارت گی جمہوری تاریخ مانہہ پارلیمانی پینل گے زریعے تشکیل دتو گیو ہون تک گا سب تیں بڑو قرار دتو بے جس مانہہ براہ راست تے آنلائن زریعہ نال ۷۹ اشاریہ ۷۲ لکھ عرضی تیں یادداشت نامہ وصول کیا گیا تھا۔ انہاں نے مزید کہیو جے ۲ سو ۴۸ وفود جن مانہہ ۵۲ ریاستاں تے مرکزی زیر انتظام علاقہ گا وقف بورڈ شامل ہیں نے آخری رپوٹ تیار کرن توں پہلاں اپنا خیالات سانجہ کیا ہیں اس موقعہ ور بولتا واں انہاں نے اس طرح کہیو۔ وزیر موصوفہ نے مزید کہیو جے بل نال وقف املاک گی انتظامیہ بہتر وے گی۔ تحکیک ور مبنی انتظام متعارف وے گو تے اس بل نال پیچیدگی وی دور وین گی تے شفافیت نانہہ یقینی بنایو جاسکے گو مزید جانکاری دیتاں انہاں نے اس طرح کہیو۔ اس بل ور گل بات واسطے ایوان مانہہ ۸ گھنٹہ گو ویلو مختص کیو گیو بے تے اس سلسلہ مانہہ گل بات اجیں جاری بے۔

LG ALUMNI

لیفٹیننٹ گورنر منوج سنہا نے اج نوجواناں نانہہ ترغیب دتی کہ اپنی حاصل کردہ مہارتاں نانہہ ملک غی ترقی تے عوامگی بہتری واسطے استعمال کریں سرینگر مانہہ شاردہ یونیورسٹی غ المنی میٹ یعنی سابق طلبہ تیں ملاقات غے دوران اپنا خطاب مانہہ ایل جی نے نیٹورکنگ رہنمائی تے علم غی شراکت غا اہم لردار ور زور دتو تے تعلیمی اداراں غی ترقی مانہہ اُن غی نمایاں خدمات نانہہ اُجاگر کیو۔ انہاں نے کہیو کہ سابق طلبہ رول ماڈل وین جھیڑا موجودہ طلبہ نانہہ اپنی منزل حاصل کرن تے معاشرہ مانہہ مثبت کردار ادا کرن غی ترغیب دیں۔ اس موقع ور اپنا خطاب مانہہ ایل جی موصوفہ نے اس طرح کہیو۔

GOC VISIT

ایک اہم پیش رفت غے تحت وائٹ نائیٹ کور غا جنرل آفیسر کمانڈنگ لیفٹیننٹ جنرل پی کے مشرا نے کاؤنٹر انسرجنسی فورس غا جی او سی غا نال رومیو فورس غا صدر دفتر غو دورو کیو تانجے خطہ مانہ موجود حفاظتی صورتحال غو جائیزو لیو جاسکے۔ اس دورہ غو مقصد حفاظتی صورتحال نانہ سمجھنو تے دفاعی اقدامات نانہ موثر بنانو تھوگل بات غے دوران جی او سی نے سابق فوجیاں غی قیمتی خدمات نانہ وی سہرايو تے دہشت گردی غے خلاف جاری کاروائیاں مانہ اُن گا اہم کردار غو اعتراف کیو۔ واضح رہے جی او سی دورہ پونچھ ضلع مانہ سرحد غے نیڑے بادوری سرنگ گا دماکاں تے پاکستان غی طرفوں جنگ بندی معائدہ گی خلاف ورزی گا تناظر مانہ ہے اس توں علاوہ کٹھوعہ مانہ چل رہی دہشت گرد کاروائی مانہ اضافو کرتا سلامتی دستاں نے اج ضلع راجوری گے کول کال گا علاق ۲اں مانہ تلاشی کاروائی شروع کردتی ہے سلامتی فوج نے سُنڈربنی گا سوچا بند دانی علاقہ مانہ ایک بڑی تلاشی کاروائی شروع کی ہے اس سلسلہ مانہ جموں کشمیر پولیس گا جواناں سی آر پی ایف تے فوج نے علاقہ مانہ خانہ بدوش لوکاں گا خالی کھراں مانہ تے جنگلاں مانہ تلاشی کاروائی شروع کی ہے۔

CJ DRUG MENANCE

جموں کشمیر تے لداخ ہائی کورٹ غا چیف جسٹس ٹیشی رابستان نے علاقہ مانہ بدھتا وا منشیات غی بدت تیں نمڑن واسطے مشترکہ تے مربوط حکمت عملی اپنان ور زور دتو وہ جموں کشمیر ہائی کورٹ بار ایسوسی ایشن غے زیر اہتمام ایک سیمینار مانہ بطور مہمان خصوصی خطاب کر رہیا تھا جت اُنہاں نے قانونی برداری ور زور دتو کہ منشیات غی بدت غامسلہ نانہ حل کرن مانہ اپنو کردار ادا کریں اُنہاں نے ریاستی قانونی خدمات اتھارٹی غا چئیر مین غا طور ور اپنی سابقہ کوششاں گو زکر کرتا واں طلبہ نانہ آگاہ کرن واسطے نوا طریقہ اپنان جسراں کہ ڈراماں تے سوال جواب آلا سیشن غو زکر کیو۔ اس سیمینار مانہ نوا فوجداری قوانین تے اُن گو منشیات غا استعمال نانہ روکن مانہ اہم کردار ور وی روشنی کھلی جت مختلف قانونی تے عدالتی ماہرین نے اپنا ریاں گو اظہار کیو۔

REASI DIST. HOSPITAL

ریاسی ضلع اسپتال نے ایک بڑی کامیابی حاصل کی ہے فروری ۲۰۲۵ غی قومی صحت درجہ بندی مانہ یوہ جموں صوبہ مانہ پہلا نمبر ور تے مرکزی زیر انتظام علاقہ مانہ چوتھا نمبر ور ریو میڈیکل پُرانیٹینڈنٹ ڈاکٹر گوپال دت نے اس کامیابی گو شر اسپتال غا عملہ غی محنت نانہ دتو تے معیاری طبی سہولیات فراہم کرن غا عزم نانہ دوہرایو اسپتال جلد ہی ۵۰ بستراں آلا جدید علاج غو یونٹ شروع کرن آلو ہے۔ آکاشوانی گا خبراں آلا شعبہ سنگ گل کرتا واں میڈیکل سُرانیٹینڈنٹ ڈاکٹر گوپال دت نے اس طرح کہیو۔

RAJOURI DRUG PEDDLER

منشیات غے خلاف بڑی کاروائی کرتا واں راجوری ضلع مانہ جموں کشمیر پولیس نے ایک منشیات فروش ہارون رشید ولد عبدل رشید ساکن وارڈ نمبر ۲ راجوری غی جانیداد ضبط کرلی۔ یا رہائشی عمارت تقریباً ۵۰ لکھ روپیہ غی مالیت آلی ہے تے اس نانہ منشیات تے نشہ

آور اشیاء غے تحت ضبط کیو گیو ہے۔ اس بارے مزید بولتا واں مارا نمائندہ شکتی شرما نے
اس طرح کہیو۔

FARMERS GAJANSU

کساناں غی زندگی نانہ بہتر بنان واسطے حکومت غی مالی مدد فائدہ مند ثابت ہو رہی ہے
مختلف علاقہ غا کساناں نے دسیو کہ کس طرح وقت ور مالی مدد اُنہاں نانہ زراعت غا
محکمہ تیں سستہ بیج خریدن مانہ مدد دے۔ ایسو ہی ایک علاقو جموں گا گراں گجانشو گو ہے
جت کساناں نے اس سال کئی فصل اُگائی ہیں تے اچھو منافو کما رہیا ہیں۔ آکاشوانی غا خبراں
آلہ شعبہ سنگ گل کرتا واں ایک کسان نے اس طرح کہیو۔
